

الهدف | #خطبة_جمعة | د. حازم شومان

حازم شومان

ان الحمد لله نحمده ونستعين به ونستهديه ونستغفره وننحو بالله من شرور انفسنا ومن سيئات اعمالنا انه من يهدى الله فلا مضل له.
ومن يضل فلن تجد له هاديا مرشدا. يا ايها - 00:00:00

الذين امنوا اتقوا الله حق تقائه. ولا تموتون الا وانتم مسلمون. يا ايها الناس اتقوا ربكم الذي خلقكم من نفس واحدة. وخلق منها زوجها وبث منها رجala كثيرا ونساء - 00:00:20

واتقوا الله الذي تسألون به والارحام. ان الله كان عليكم رقيبا يا ايها الذين امنوا اتقوا الله وقولوا قولوا سديدا. يصلح لكم اعمالكم.
ويغفر لكم ذنبكم ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجك - 00:00:40

امهات المؤمنين وعلى ذريته وال بيتها انك حميد مجيد. اللهم صل وسلم وزد وبارك على حبيب قلوبنا وعلى طبيب توبنا وعلى شفيعنا يوم العرض عليك محمد صل الله عليه وسلم. في الاولين والاخرين وفي كل وفي الملا - 00:01:10

اعلى الى يوم الدين. وفي كل وقت وحين. اخوانى واحبابى في الله. يعني اغلى لعيبة في العالم كلها هو اللعيب اللي بيعرف يجيب اجوان. اغلى طيب هاتوا اسماء اللعيبة اللي بيتابعوا بمئات الملايين وبمليارات هتلاقىهم دايما الاعبين الهدافين الهدافين ازاى كل - 00:01:30

كل واحد مننا يبقى انسان هداف في حياته. نيمار نيمار المهاجم بتاع برشلونة. لما انتقل لفريق تاني باريس سان جيرمان. الشرطالجزائى فابداع العقد بس مش خدكم الشرط الجزائى. متين اتنين وعشرين مليون دولار. يعني حوالي ثلاثة ونص مليار جنيه مصرى كده. متين - 00:01:50

اتنين وعشرين مليون دولار ليه؟ في حين ان اي مهاجم تاني لاي فريق من الفرق اللي احنا عارفينها لو انتقل من فريق لفريق ممكن ما يتعملاش اي اي معاملة لها علاقة بهذه المعاملة ليه؟ لأن ده بيجب اجوان لأن ما اقدر يجيب اجوان دايما لعيب في الدنيا الهداف اللي يعرف يجيب جون وزي ما - 00:02:10

في هدافين في الدنيا. في هدافين في الآخرة. في هدافين. عرفوا يجيروا اجوان تاريخية تتعلق بالدار الاخرة. عرفوا يحققوا اهداف تانية تتعلق بالدار الاخرة هدافين ابن ام مكتوم اعمى ولكن اصاب الهدف. كان اعمى ولكن كان هداف. اول من هاجر للمدينة المنورة مع مصعب ابن - 00:02:30

ابو عمير مات وهو رفع راية الاسلام في القادسية. مصعب ابن عمير كان هداف. هداف من هداف الآخرة. راح المدينة المنورة في يوم واحد. اسلم على ايده سعد ابن معاذ وسعد ابن عبادة. والمدينة كلها اسلمت بسببه. عمرو ابن العاص كان هداف. هو السبب في فتح مصر وفلسطين. خالد - 00:02:50

وليد كان هداف تلاتين غزوة ومعركة. دخل فيهم وانتصر فيهم كلهم. جاب تلاتين من تلاتين. معاذ معوذ بالله عفراء طفلين ولكن كانوا هدافين. جابوا هدف تاريخي وقتلوا فرعون اللي هم ابو جهل في غزوة بدر. هداف. ازاى - 00:03:10

ازاي ان احنا ندرك يا اخواننا ان احنا نبقى من هدافى الدار الاخرة. انت الوقتي في بطولة من اعظم البطولات. احيانا لعيب في مباراة يجيب جون ياخذ مليون احيانا لعيب في مباراة يجيب جون تمنه يغلى ويتابع بمئات الملايين من الدولارات. احيانا لعيب في مباراة يجيب جول يفرق - 00:03:30

مع بلده كلها يدخلها كاس عالم. يرفع الدرجة بتاعتته. كذلك يا اخوانى الجون في عشر ذي الحجة. الجون في عشر الاضحى الجون في

افضل ايام الدنيا عند الله. الجون في هذه الايام المباركة بمالايين الحسنات. الهدف الوقتي هو اغلى هدف هتجييه في - 00:03:50
اللي هيعرف الواد يجيب خاتمة قرآن. اللي هيعرف الوقت يقعد جلسة زكر. اللي هيعرف الوقت يقعد جلسة ضحى. اللي هيعرف الوقت يصوم يوم. اللي هيعرف الوقت اتكلم عن ربنا في الدعوة الى الله ويتفوق المسلمين في هذا الموسم العظيم. اللي هيعرف الوقت يستغفر ويدرك ويعبد. اللي هيعرف الوقت يقوم - 00:04:10

ده بيجب اهداف تاريخية. اغلى اهدافه يبقى من هداتي. الدار الآخرة. قال رسول الله صلى الله عليه وسلم. حديث رواه ابن عباس رضي الله عنهما ما من ايام العمل الصالح احب الى الله فيها من هذه الايام. اي احب ايام ربنا يحب العمل - 00:04:30
بن صالح فيها الايام دي. فالصحابة لما سمعوا الكلام تعجبوا. يا رسول الله انت بتدينا عرض رباني عزيز جدا. وبتقول لنا ان دي اعظم ايام ربنا بيحب فيها العباد طب يا رسول الله ولا الجهاد في سبيل الله؟ يا رسول الله انت قلت لنا قبل كده ان اللي بيموت شهيد بيأمن من فتنة القبر منكر ونكير اللي بييجوا يقولوا لك من ربك؟ ما دينك - 00:04:50

تملك وانت ما انتاش عارف دول تبع مين ولا تبع انهي دين امتحان في العقيدة هم مش جايدين يقولوا لك احنا تبع الاسلام والقرآن وشف انت تقدر تجاوب ولا انت ما انتاش عارف دول مين اصلا. ودي خطورة فتنة القبر. ولكن هزا لا يمتحن في قبره. ليه؟ لانه اسبت يقينه بأنه مات شهيد في - 00:05:10

في سبيل الله ما دام الله قبل شهادته ورسول الله ولد جهاد في سبيل الله. يا رسول الله انت قلت لنا ان المجاهدين لهم ميت درجة في الجنة. ميت دور في - 00:05:30
باتاع الجنة حصريا للمجاهدين في سبيل الله. الدور عرض السماوات والارض. والدور ارتفاع ما بين السماء والارض. ولا الجهاد في سبيل الله. يا رسول يا رسول الله جاء لك قبل كده رجل. وقال لك دلني على عمل يعدل الجهاد في سبيل الله. فقلت لا تستطيعون. سأناك ثاني. يا رسول الله عمل - 00:05:40

الجهاد لا تستطيعونه. لا تستطيعون ايستطيع احدكم اذا خرج المجاهد في سبيل الله ان يدخل مسجدا فيصوم ولا يفطر ويصوم ويصلي ولا يفطر. فقلنا ومن يستطيع ذلك يا رسول الله؟ مين اللي يقدر يعمل كده؟ قال ولا الجهاد في سبيل - 00:06:00
في سبيل الله ما من ايام العمل الصالح احب الى الله فيها من هذه الايام. قالوا ولا الجهاد في سبيل الله؟ قال ولا جاهد في سبيل الله الا رجل خرج بنفسه وماله فلم يرجع من ذلك بشيء. الا واحد ضحى بنفسه وماله وروحه وعمره - 00:06:20
وخرج من الدنيا لا يملك اي شيء وضحى بدمه في سبيل الله. يعني لو ربنا الصفقات في التجارة مع الله في الدنيا اعظم صفقات اللي بيتاجروا في الالمااظ بعد كده اللي بيتاجروا في مناجم البترول ابار البترول بعد كده اللي بيتاجروا في مناجم اليورانيوم في الدين بقى مع الله اعظم صفة انك تضحي - 00:06:40

نفسك وروحك و عمرك ودمك وتخرج من الدنيا لا تملك شيء. رقم اتنين رقم اتنين في ترتيب الصفقات في المعاملة مع الله انك تعبد ربنا في عشر ذي الحجة. تخيل بقى دي تاني اعظم صفة في حياتك في التعامل مع الله سبحانه وتعالى. ان تعبده في عشر ذي الحجة - 00:07:00

في هذه الايام مين فيينا عايز يبقى هداف؟ مين فيينا؟ عايز يتعامل معاملة نيمار وميسى وكريستيانو. رونالدو والنجمون العالم والناس الهدافين بتوع العالم ولكن في الدار الآخرة بقى يبقى هو الهداف. يبقى اهل الفردوس الاعلى ياخذ ملايين و مليارات - 00:07:20
الحسنات في جنة الفردوس الاعلى. يدخلها بلا حساب ولا عذاب. الهداف ده له شروط. عشان تبقى من هدافين العشر. عشان تبقى من هداف من هداف تقدر تجib اجوان في عشر ذي الحجة. تقدر تختتم مصحف. تقدر تقدّع جلسات ذكر. تقدر تعتكف. تقدر تقوم الليل. تقدر تصوم النهار - 00:07:40

تقدير تصل الليل بالنهار في العبادة عشان تبقى هداف من هداف العشر لازم تعرف الهدافين اصلا بقوا هدافين ازاي؟ ازاي تبقى هداف ايه صفات الهداف؟ اول صفة من صفات الهداف انه لازم يبقى له خطة. ما فيش هداف في الدنيا هات ايه هداف في اي فريق كورة. ما فيش هداف ما لوش خطة. ما فيش - 00:08:00

حاجة اسمها واحد نازل الملعب يلوش كده وخلاص. لازم بيبقى ضمن الخطة والفريق كله له خطة وهو عارف هيقف فين وهيستلم الكورة ازاي وهيرأوغ ازاي وهيجيب الجون ازاي! وهيشوط ازاي! لازم قطة. انت ايه خطتك في عشر ذي الحجة؟ لو انت عائز تبقى هداف من هداف العشر. ايه الخطة بتاتعك؟ هنفضل ارتجاليين - 00:08:20

لحد امتى؟ الناس عبدوا ربنا في رمضان؟ عبدت معهم؟ الناس ناسيين او غافلين عن العبادة في عشر ذي الحجة غفلت انت كمان. انت مسكت ورقة وقلم عشان حاجات كتير قوي في حياتك. عشان مزاكرتك وعشان تحسب ميزانية بيتك. وعشان تحسب مصاريفك. وعشان تخطط لمستقبلك. ما تممسكش ورقة - 00:08:40

ليه؟ عشان عشر ذي الحجة ما تممسكش ورقة وقيام ليه؟ عشان تشووف انت ناوي تعمل ايه؟ ده ابن عباس روی عنه ان الحسنة بسبعمية ضعف يعني الجون بسبعمية الجون ببطولات على بطولات. الجون بسبعمية جون. الحسنة بسبعمية ضعف. يعني يوم الصيام بسبعمية يوم صيام. يعني جلسة - 00:09:00

سنتين جلسة ضحى. يعني التسبيبة باكتر من عشر تلاف حسنة. يعني صفحة القرآن باكتر من ختمة. يعني انت متخييل يعني ايه اضرب في سبعمية كل شيء. كل عبادة بتعملها لله سبحانه وتعالى في هذه الليام، تضربيها بسبعمية ضعف. خطط بيقى من غير تخطيط. ما حدش - 00:09:20

الهدف. الهدف اول صفة من صفاته ان لازم بيقى له خطة. لازم بيقى نازل بناء على خطة خطط لعشرين ذي الحجة ده لسه في تالت يوم اهو فيها. احنا لسه في منتصف تالت يوم من ايام عشر ذي الحجة. وخذ بالكم ان الذي تطلب امامك اعظم ايام العشر تصاعديا - 00:09:40

لحد ان يوم العشر ده اعظمها. اليوم التاسع اللي بعده. اليوم التامن اللي بعده. فانت لسه الغنائم العظمى في عشر ذي الحجة. لسه قدامك عايز تبقى هداف من هداف العشر عايز تبقى هداف من هداف الدار الاخرة شوف الهدافين بيعملوا ايه الهدف لازم بيقى سريع ما فيش هداف بطيء ما فيش هداف بيمشي - 00:10:00

الكل هداف لازم بيقى في قمة السرعة. لدرجة ان هم عشان يدربيوا المهاجمين الهدافين على السرعة. بيخلوهم يجروا في التدريبات وهم بيشيلوا اثقال كل ما بتتشيل اثقال في دين الله كل ما بتتعود البطولة في دين الله انت بتزود سرعتك. يعني ايه تبقى سريع؟ يعني القطر ما بيستناش حد. يعني احنا الوقتي بنتكلم - 00:10:20

وعشر ذي الحجة فات منها ثلاث ايام. ثلاث ليالي من الليالي اللي ربنا اقسم بها في القرآن. واحنا النهاردة في اليوم الثالث. القطر ما بيستناش حد. ولو غمض عينك وفتحتها هتلاقي عشر ذي الحجة كلها راحت. بيقى انت لازم تبقى سريع. من اصبح منكم اليوم صائما؟ انا يا رسول الله. من تبع منكم اليوم جنازة - 00:10:40

اذا انا يا رسول الله من عاد منكم اليوم مريضا؟ انا يا رسول الله من اطعم منكم اليوم مسكينا؟ انا يا رسول الله. ده الكلام ده كله كان في جلسة الضحى - 00:11:00

ان دي اول اربع اعمال بجانب صلاة الفجر. بجانب جلسة الضحى دي ست اعمال ابو بكر الصديق افتتح بها هذا اليوم. ده ده الاصطباخية ده ده الافتتاحية. ده ده لسه مبدأ بيقول باسم الله الرحمن الرحيم. في المنافسة اليومية بتاتعة ابو بكر الصديق على شعب الايمان. الدين عايز سرعة - 00:11:10

الهدافين عايزين سرعة عشان تبقى هداف. لازم تبقى سريع. عشان تبقى هداف من هداف في العشر. عشان تبقى هداف من هداف في الدار الاخرة. ما فيش هداف بينزل لوحده يجيئ اجوان لازم بيقى وسط فريق. لوحده عمرك ما هتجيئ اجوان. لوحده عمرك ما هتقدر تنطلق في الدين. ما فيش حاجة اسمها واحد متحمس - 00:11:30

يلاعب الفريق كله ويروح منه ويدخل ويجيئ جون. ده بيقى حداشر لعيب وقادعين يسلموا لبعض يسلموا لبعض. وهو يقتنص الفرصة ويجري ويجيئ جون بيقى لوحده عمرك ما هتجيئ اجوان. لازم تبقى جزء من فريق. عشان تبقى انسان هداف. لازم تفهم قيمة الصحبة الصالحة. لازم ما تعبدش ربنا وانت - 00:11:50

وحيد معزور يعبد الله على حرف اي على طرف الجيش. فان انتصر الجيش قر وان انهزم الجيش فر. كما قال علماء اللغة في هذه اية ما ينفعش مش عايزين نعبد الله على حرف عايزين فوسلطنا به شمعة. عايزين تتوسط جموع الصالحين وهم بيعبدوا ربنا سبحانه وتعالى. لازم صحبة - 00:12:10

بورصيصة العابد لما تخيلوا انه يقدر يبقى هداف من هدافى الدار الاخرة لوحده الشيطان الشيطان لعب به وفي النهاية فكان عاقبتهما انهم في النار خالدين فيها. ليه؟ لأن هو كان لوحده الشيطان دخله وفتنه وخلاه يقع في فتنة النظر للنساء - 00:12:30 وفتنة الزنا وفتنة الاكل وفي كل وفي فتنة السجون للشيطان وكفن ومات كافر ليه؟ لأنه كان لوحده لوحدك عمرك ما هتقدر تجib اجوان. عمرك ما هتقدر تجib جون وتبقى هداف. انما عباد الرحمن كما يقول الله سبحانه وتعالى. عباد الرحمن الذين يمشون على الارض هونا. واذا - 00:12:50

الجاهلون قالوا سلمة جاهلون كانوا عايشين في مجتمع فيه ناس جاهلة فيه توك شو بيعتدي على الدعاء وعلى الدين وعلى ثوابت الدين وعلى الحجاب وعلى الاسلام وعلى القرآن. ولا يثنون. عايشين في مجتمع الزنا منتشر فيه. والتبرج والعربي منتشر فيه. لا يشهدون الزور. عايشين في مجتمع - 00:13:10

فيه زور وفيه احتفال باعياد غير المسلمين بصورة لا تتناسب مع مجتمع مسلم واذا مر باللغو مروا كروم عايشين في مجتمع فيه فنون كورة وفيه نص مليون موقع ابا حي وفيه قنوات كليبات وفيه لغو ومليان عايشين في مجتمع بالمنزد وله ولن في النهاية اولئك - 00:13:30

ظلم الغرفة وصلوا لاعلى درجة في الفردوس الاعلى. لأن الفردوس الاعلى نفسها درجات. الغرفة دي اعلى مقام في الفردوس على نفسها ليه؟ لأن ربنا بيقول وعباد الرحمن الذين يمشون. واذا خاطبهم الجاهلون قالوا والذين يبيتون. والذين - 00:13:50 يقولون والذين كلها واو الجماعة. لأنهم عاشوا مع بعض. لأنهم حطوا ايدهم في ايid بعض. فرغم فتن الواقع. ورغم ضغوط الا انهم وصلوا لمقامات عالية ليه؟ لأنهم كانوا فريق. فقدروا يبقو هدافين كلهم. انما لو انت لوحدك عمرك ما هتجib الجون عشان تبقى هداف من - 00:14:10

في الدار الاخرة الهدف مش اللي لما يتممر له تمريدة عقارية يقوم واحدها وجايip جون في الحالة دي كل المعلقين الرياضيين ما بيعلقوش لما جاب جون بيعلقو على اللي مرهها لأن ده فعليا هو اللي مدتها له متقدمة. انما الهدف اللي يقدر يجib جون من ربع فرصة ومن نص فرصة ومن - 00:14:30

الا فرصة مش الهدف اللي لازم تيجي له متقدره عشان يجib بها جون. ده هو لو جت له متقدمة وما جابش جون يتتشتم في كل البرامج. وفي كل الصحف يبقى الهدف اللي يقدر يصنع الفرص. اللي يقدر يحول اللـا فرصة الى فرصة يعني ايه؟ يعني وانت في الدنيا الوقتي ما تقوليش الضغوط المادية. ما تقول - 00:14:50

للظروف الاجتماعية ما تقوليش ظروف في النفسية. ما تقوليش المشاكل. ما تقوليش الفقر. ما تقوليش ظروف في المجتمع. ما تتحججش. ما تعلقش كسلك في طاعة الله في افضل ايام الدنيا عند الله على ظروف الواقع. لازم تعرف تجib اجوان في اي زروف. مهما كانت مشاكل لازم تعرف تجib اهداف دينية - 00:15:10

لان الدار الاخرة ممكن تيجي لك وانت في فترة مشاكل. لو انت بقى ساعة المشاكل انقلب على وجهه خسر الدنيا والآخرة. يبقى لازم تعرف تجib فرصة سيدنا موسى كان في قصر فرعون راح عاش في خيمة بدوية فضل بطل زي ما هو. سيدنا يوسف عايش في حصن ابوه. لقى نفسه - 00:15:30

في وسط سجن مظلم فضل زي ما هو انا نراك من المحسنين. سيدنا محمد دينه وهو منتصر في فتح مكة. هو دينه. وهو وحصر في شعب ابي طالب. دينه وهو في اخر عمره والاسلام بقى قوة جباره في العالم. هو دينه وهو - 00:15:50 الحزن الضيق زروف ما بتتأسرش على الدين. ام سليم جوزها يرميها ويرمي لها عيالها ويهرب بالكافر بتاعه من المدينة المنورة. تقف ويتجوزها بعد ابـو طلحـة. وتبقى سبـب في اسلام ابـو طلحـة. وسبـب في قتـال ابـو طلحـة. لدرجة ان النبي عليه الصلاة والسلام قال

عنه لصوت ابي طلحة في الجنة - 00:16:10

خير من فئة كانت امرأة بالف راجل. السيدة اسماء وهي في الشهر التاسع تساند النبي عليه الصلاة والسلام في رحلة الهجرة. وتودي له يبقى اذا لازم تتعلم تجib اجوان مهما كانت الزروف. هو ده الهدف. مش الهدف اللي يقول هاتوها لي متقدشتة وانا اجيها. مهما كانت زروفك. مهما - 00:16:30

كانت الابتلاءات مهما كان لازم تقف وتبقى راجل وانت اللي تبقى صانع للفرس. الهدف الهدف عشان يجib اجوان كتير في مباراة لازم ينزل معنوياته مرتفعة. لازم يبقى جواه حماس كبير. لازم يبقى انسان في قمة الحماس وفي قمة المعنويات المرتفعة. احيانا يا جماعة جون بيخلص بطولة - 00:16:50

بل بيخلص كاس عالم. احيانا يا جماعة جون يكون راجل عمال يقول لك انا هادي اللي يجib جون في الماتش ده عشرة مليون. احيانا في جون بينقل اللعيب اللي جابه نقلة كبيرة - 00:17:10

اخيرا في اللعيب اللي نازل عارف امتى هيجib اخره. عارف المباراة ديت انها مباراة خطيرة و تستاهل انه يجib اخره فيها. كذلك عشر ذي الحجة. اخطر بطولة في حياتنا قول جمهور العلماء قول جمهور المحققين من العلماء ان عشر ذي الحجة افضل عند الله من العشر الاواخر من رمضان - 00:17:20

على وجه الاجمال يعني ايه على وجه الاجمال؟ يعني فيه علماء كبار فصلوا قالوا الليل هنا افضل واللي النهار هنا افضل. قول جمهور من العلماء ان عشر ذي الحجة افضل اجمالا الا ما كان من ليلة القدر. انت متخييل سعيد ابن جبير رضي رحمه الله اللي هو راوي الحديث عن ابن عباس - 00:17:40

روي حديث ما من ايام العمل الصالح احب الى الله فيها من هذه الايام سعيد ابن جبير رحمه الله كان يصلی تلت الليل ويجتهد ليلا فيها اجتهاد يزهر الجميع. وكان يأمر الا تطفئ انوار المساجد. ولا انوار البيوت في عشر ذي الحجة من العشاء الى الفجر - 00:18:00 يعني قيام ليل طول الليل يعني بيعاملها كده زي ما النبي عليه الصلاة والسلام عامل الليل في العشرة الاواخر من رمضان. انت متخييل! الامام احمد ابن حنبل ذهب طلبة العلم في عشر ذي الحجة عشان يطلبوا علم على ايديه. فقال لهم انها ايام شغل. دي ايام انشغال بعبادة الله. حتى كثير من العلماء - 00:18:20

ما تركوا فيها تدريس العلم وطلب العلم ليه؟ عشان العبادة في هذه الايام اعظم شيء. ان عساكر الامام ابن عساكر رحمه الله كان اعتكف في رمضان وفي عشر ذي الحجة. ابن جريج كان يقول خدوا بالكم ان كل دول تلاميز ابن عباس. ابن جريج الذين ايقزوا قضية عشر ذي الحجة في الامة - 00:18:40

هم غالبهم من تلاميز ابن عباس. يعني ممكن رجل يقوم قضية في امة. او عى تستقل بدورك في الدعوة الى الله. هو في ايقاظ لهذا الموسم العظيم اللي غفل عنه كثير من الناس. رمضان الناس كلها مستيقظة له وفاهمة قيمته فلا يغفل فيه الا يعني - 00:19:00

يعني والعياذ بالله اللي بعد اوبي عن ربنا. اما عشر ذي الحجة غالب الامة مش عارف قيمتها. مش عارف مش عارف ان ابن جوريج كان يقولها من علماء الامة ومن - 00:19:20

فسروا الامة رحمة الله كان يقول ان فقهاء مكة كانوا يقولون ان يتشرد العبد في العشر. يعني ايه يعني في عشر ذي الحجة انت واقف لله تعالى. سبب الدنيا وخد اجازة من كل حاجة وتفرغ لعبادة الله لهذه الدرجة؟ مش دول علماء الامة - 00:19:30

الامة وائمه المدرسة المكية في التفسير مجاهد مرة قاعد في الحرم المكي لقى واحد بيكبر في عشر ذي الحجة فقال لما لا ترفع صوتك؟ ان كنا ليكبر احدنا فيرتج المسجد بتكتيره. فينتقل الصوت الى الابطح. فترتج الاصوات بالتكبير. كان بيقول لك كان واحد - 00:19:50

مكة كلها تكبر على تكتيره. عمر بن الخطاب كان في خيمته في منى يكبر منى كلها ترجي بالتكبير. والناس بتتردد والعمرا بن الخطاب ابو هريدة وابن عمر كانوا في عشر ذي الحجة بينزلوا في الاسواق يكبرون ويدعون الناس الى التكبير وترتج الاصوات بالتكبير. يعني

والصحابة كانوا عارفين ان عشر ذي الحجة دي وقت ايقاف للامة. دي وقت ايقاظ لغفلة الناس. وان في ناس كتير مش مدركة خطورتها. فكانوا بينزلوا الناس في الاسواق يوقوطوهم لهذه القضية. من ينزل الان؟ من يتكلم الان؟ من يدعو الى الله الان؟ من يدعوه الى - 00:20:30

هذه الايام والى عظمة هذه الايام الان. للاسف الشديد في هذه الايام غفل عنها الكثيرون. يبقى لازم الهدف عشان يجib اهداف كتير
لازم ينزل وروحه المعنوية عالية. لازم ينزل وهو متجهز نفسيا. مشحون نفسيا. عشر ذي الحجة. عشر تيام بالجنة. تخيل الجنة في
عشر تيام - 00:20:50

قال رسول الله صلى الله عليه وسلم والحديث في صحيح مسلم من روایة ابی هریرة رضی الله عنه وارضاه قال ان ادنی مقعد احدکم من الجنة العطاء هیا خدے ای حد منکم فی الجنة. ده بقی اقل حاجة. ان ادنی مقعد احدکم من الجنة. ان یقال له تمام -

تمام؟ اتمنى. يقول النبي صلى الله عليه وسلم في صحيح مسلم فيتمنى ويتمنى. العبد بقى يقدر يفرح قالوا اتمنى تتمنى يشوفها انت لما بتتفقل عينيك واحلام يقظة وعايز فلوس وعايز شفاء وعايز وعايز وعايز وعايز - 00:21:30

تخيل انت بقى فييق يتنمى ويتمنى يقعد يحلم يحلم فيقال له تمنيت خلصت امانيك؟ فيقول نعم. فيقال له ان لك ما فمن ميت ومثله معه. يعني ضعف احلامك وامانيك وطموحاتك. ده ده ادنى مقعد احدكم من الجنة. يعني ده اقل حاجة في الجنة ليه؟ لأن الحنة - 00:21:50

فوق مستوى الخيال اصلا. الخيال هو اقل درجات نعيم الجنة. الخيال والاحلام والطموحات وانك تسرح بخيالك في تخيل النعيم. ده
اقل درجة نعيم في الجنة كلها. امال الدرجات اللي اعلى من كده - 00:22:10

اللدرجات اللي اعلى من كده هي اللي اعلى من الخيال ولا خطر على قلب بشر. يبقى لازم تنزل متحمس. لازم تنزل وانت عارف قيمة هزه الايام عشان تقدر تبقى هداف في هزه الايام العظيمة في هزه الايام العظيمة اللي النبي عليه الصلاة والسلام قال عليها اعظم ايام الدنيا - 00:22:30

افضل ايام الدنيا. احب الايام العمل الصالح فيها الى الله. ارجى ايام الدنيا ازكي اعمال الدنيا وارجى قمر الدنيا يعني ايه ؟ يعني عشر ذي الحجة مش بس آخرة. عشر ذي الحجة كمان دنيا. ذكرهم بأيام الله. ارجى ايام ارجى اعمال الدنيا. يعني اكثر -

ربنا يفتح عليك في دنيتك بسببها. اكتر عبادة ربنا هيستجيب دعائك فيه. اكتر ايام ربنا هينزل فتح ورزق وكرمه وثباته وحفظه
ومدده عليك فيه. يعني عشر ذي الحجة دين ودنيا. جايها لك. يبقى الهدف - 00:23:10

للازم يكون لازم يكون نازل متخصص. لازم يكون نازل وهو عارف قيمة المباراة اللي هو نازلها واحدنا في عشر ذي الحجة احنا نازلين بطولة في غاية الخطورة يا جماعة وفي غاية العظمة يا جماعة. والجتون بيتساوي بطولات وبيساوي ملايين. زي ما قلنا اضرب الجتون في سعمنية ضعف بقى، يعني انت - 00:23:30

في نفس بيدخل صدرك وبيخرج منه. وقاعد اتنك هذه الايام وانت مغبون في نعمة الصحة والفراغ. بتعمل ايه؟ بتعمل ايه؟ هتضيع الفرصة دي تنندم تخيل الوقيتي واحد ميت الوقت في القبر بتاعه وجت عشر ذي الحجة عليك هتنندم ساعة ما تدخل القبر هتنندم لما تلاقي خلاص. صحيفتك اتقفلت - 00:24:10

ما عدتش قادر تكير مع اللي بيكره. ما عدتش قادر تلبي مع اللي بييليو. يوم عرفة مع اللي بيعيده. ما عدش

لك عينين تبص فيها في - 00:24:30

مصحف ما عدش لك ودن تسمع بها قرآن ما عادش لك لسان تذكر الا به ما عدش لك رجلين تمشي للمسجد بها ما عدش لك ايه ده انت
قلب ورق المصحف بها - 00:24:40

ما عدش ما عدش لك قلب ينبع بحب الله. ما عدش لك قلب يتعرف الى الله. ما عادش الفرصة راحت. ساعتها هتندم. وهتتعرف
الايات دي كانت قيمتها ايه؟ هتقول ساعتها يا ليتنى قدمت لحياتي في سورة الفجر يا اما ربنا سبحانه وتعالى قال وليل عشر. جمهور
المفسرين ان الله يقسم هنا - 00:24:50

في عشر ذي الحجة بعشر ذي الحجة والنهاي اعظم من الليل في الثواب. واذا كان الله اقسم بالليل فما بالك اللي هو اعظم من الليل
اقسم بعشر ذي الحجة مرتين في القرآن وليل عشر اقسم بها عاما وشاهد مشهود اقسم بيوم عرفات خاصة فالله اقسم بها مرتين
في - 00:25:10

القرآن مرة قسم عمه مرة قسم خاص. فما بالك بعظمة هذه الايام؟ الله تكلم عن العشر اربع مرات في القرآن. تكلم عن رمضان مرة
واحدة. تكلم عن العشرة كل اربع مرات في المرحلة المكية. تكلم عن رمضان في المرحلة المدنية. يعني العشر دي تأسيس لديناك.
تأسيس دي اللي اترد عليها - 00:25:30

من صور المرحلة السerville سورة الفجر اللي نزلت في بداية المرحلة السerville هي عاشر سورة نزلت في القرآن. فانت متخيلا كده بقى ان
عشر ذي الحجة الصحابة كانوا بيعبدوا ربنا فيها في دار الارقام. عشر ذي الحجة الصحابة كانوا بيتعبدوا لله فيها. وهم في دار الارقام
الرئاب الارقام. في البدايات خالص للسلام - 00:25:50

المعاني التأسيسية لديناك. معاني لو عايز تتربى لازم تفتنها. قد افلح من تزكي. طلاب التربية هم اللي هيصلحوا في النهاية. طلاب
التربية هم اللي هيصلحوا في النهاية اللي فاهم ان الدين معناه انه لازم يتربى عشان يصل الى الله سبحانه وتعالى. اخر السورة بعد ما
ربنا اقسم بالليالي العشر كلا اذا دكت - 00:26:10

دكا وجاء ربكم والملك صفا صفا. قال لك الملائكة بتتفق سبع صفوف. كل صف ملايكة سماء من السماوات يعني الصف مليارات
ممليرة من الملائكة. جنود ربنا جاية واقفة صفوف وجبيه يومئذ بجهنم مليارات الجنود اتزكرت في اية واحدة. وجند - 00:26:30
واحدة اتزكر في اية واحدة جهنم لها سبعون الف زمام. كل زمام له سبعون الف ملك. يعني اربعة مليار وتسعمليت مليار كملت من
ملائكة الغلاظ الشداد بيصللي السيطرة على جند واحد من جنود الله وهو جهنم يومئذ يتذكر الانسان وانى له - 00:26:50
فكرة يقول يا ليتنى قدمت لحياتي. يا ريتني عرفت قيمة الليالي العشر. يا ريتني عرفت قيمة هذه المواسم العظيمة. يا ريتني عبدت
ربنا فيها ليل نهار الهدف ما بيضيعش فرصة. الهدف ما بيستناش القطر اما بيجي وبعد كده يصحى من النوم ويروح له. بيبقى واقف
على المحطة مستنيه. لأن القطر ما بيستناش حد - 00:27:10

عايز تبقى هداف من هداف العشر خد بالك انك لازم تفتن كل لحظة فيها ازاي؟ ياما هدافين خلصوا بطولات في الوقت بدل الضائع
وقدت بدل ضائع وخدوا بالكم ان عشرة زي الحجة وقت بدل ضائع. يعني ايه وقت بدل ضائع؟ يعني رمضان ضاع من ناس كتير.
رمضان فيه ناس - 00:27:30

مين اللي قال لك انت ليه بتعامل انك انت اعتقت رقبتك من النار في رمضان؟ انت ليه بتعامل ان اتغفر لك في رمضان؟ ما ان كان
لسه ما ربنا جايب لك موسم تاني اهو رمضان - 00:27:50

هو عشر ذي الحجة موسم واحد ولكن ربنا عشان يمتن الهدایة في قلوبنا قسمه نصين. قسمه نصين سبحانه وتعالى واتمناه بعشر.
مين اللي بتعامل ليه؟ فيه ناس يا اخوانا بتعامل مع عشر ذي الحجة كأن خلاص اعتقو من النار في رمضان وفازوا بأبواب الجنة -
00:28:00

رمضان متوفرا لهم في رمضان. ناس تانية بقى بتعامل تتعامل تانية ان ضاعت خلاص. راحت خلاص. ما عدش ينفع. كان قدامي فرصة
في رمضان وضيعتها ابواب السماوات لسه مفتوحة. ابواب خزائن الله لسه مفتوحة. الدعاء لسه بيستجاب. العتق من النار لسه له

فرص: يل العتق من النار في العشر - 00:28:20

اعظم من العتق من النار في رمضان. اعظم كما قال النبي صلى الله عليه وسلم ما من يوم اكثـر من ان يعتق الله فيه عبدا من النار من يوم عرفات. يعني - 00:28:40

يعني عشر ذي الحجة اعظم موسم للعنق من النار. يبقى تضيعه ليه؟ يبقى الهدف ما بيضيعش لحظة. ازاي؟ اللي ضاع منه رمضان عشر ذي الحجة الحجة وقت بدل ضائع. يا اللي ضاع منك الوقت بتاع رمضان ربنا اداك وقت بدل الوقت اللي ضاع. هتتعرف تجيب جون، ولا مش هتتعرف تحب جون هتتعرف - 00:28:50 -

تعقق من النار ولا لا؟ هتعرف تصل الى مغفرة الله بفضل الله ورحمته ولا لا؟ الهداف لازم يعرف يروغ الخصوم بتاعته عشان يخترقها
ويوصل للجون والا لو الخصم والعدو بتاعه عرف يصده وهو منطلق ناحية الجون هيضيع على ايه الاجوان انت دلوقتي وانت منطلق
ناحية الجون - 00:29:10

انطلق عشان تجيب اهداف اخروية في عدو واقف يصدقك وهو الشيطان في رمضان كان الشياطين مسلسلة ومصيدة فانت كنت ايه
مجموعة من الناس اعبد ربنا ليل نهار تراویح وكل وقت مجموعة فيه صحبة وقصداد ما فييش عدو اصلا. ما فيиш حائط صد اصلا. ما
فيиш . 00:29:30

طريق تاني بينك وبين الجون اصلا. ما فيش دفاع بينك وبين المرمى اصلا. ولكن في عشر ذي الحجة الدفاع موجود. الشيطان غير مكبل. الشياطين غير في عشر ذي الحجة دي من تمان بقى. عشان كده لو عايز تبقى هداف من هداف العشر لازم تراوغ خصمك اللي هو الشيطان - 00:29:50

لیارس سا: حب ما: میسر، و نالدہ کا دما - 10:00:30

هدفين من هدافى الدنيا والدنيا كلها مستنية مبارياتهم ليه؟ عشان يتفرج على لحزة كون. انت بقى ما انتش عايز تبقى هداف من هداف الاخرة ما انتش عايز تفهم الحقيقة ان الدنيا دي كلها فانية ولو كل دي وانا لجاعلون ما عليها صاعدا جرزا. الدنيا ملعونة ملعون
فيها - 00:30:30

الا ذكر الله تعالى وما والا. انت ما لك بال حاجات الملعونة في الدنيا؟ ركز مع ذكر الله سبحانه وتعالى. ما لي وللدنيا ومال الدنيا ومالي لو كانت الدنيا تعدل عند الله جناح بعوضة. ما سقى كافرا منها شربة ماء. انما الحياة الدنيا. اخواني في الله الله سبحانه وتعالى بيقول لنا - 00:30:50

كما مثل الحياة الدنيا كماء انزلناه من السماء. هو يا رب انت بتدينا مسل للدنيا ليه؟ ده احنا شايفينها وحاسينها الامصال دي لل حاجات
اللى غيب عننا وعايزين حد يقربها لنا - 00:31:10

من كتر ما اتعينا عن حقيقتها ربنا ضرب لنا امسال لها. رغم ان احنا عايشين فيها. سبحان الله العظيم. زي ما واحد كده قاعد راجل مسلا هاجر مراته ومعزبها ومبهدلها ومطلع روحها وزالمها وراميها فاجي اقول له يا اخي يا اخي انت عارف الزوجة دي مسلها زي - 00:31:20

في مثل لمسة رحمة كده نازلة لك من السما. فواحد يقول يا عم انت بتدي له مسل للزوجة اللي هي ده متجوز. اقول له ما هو يعني عن قيمة مراته. فانا - 00:31:40

امثال عشان افهمها له. عايش معه في بيت واحد ونعمه عن قيمتها. وعن دورها في حياته وسعادته في الدنيا والآخرة. اهو كده انما مثل الحياة الدنيا ما احنا عايشين فيها - 00:31:50

بس للاسف معميين عن حقارتها. معميين عن عاقبتها ومن نعمره. نرکزه في الخلق. ده انت لو خدت شوية سن في الدنيا اكتر هيسلب منك اصلا كل شيء فيها. يعني يا اما انت هتسبيها يا اما هي هتسبيك. اخوانى في الله. اللي عايز يبقى هداف من هداف الآخرة لازم

00:32:00 - يبقى سريع

ويتعامل بسرعة مع الموسم اللي احنا فيه. لازم يبقى مع فريق لازم تشو夫 صحبة صالحة بسرعة. لازم يعرف يصنع الفرس. ما تستناش ان الموسماً وانت فاضي ومعك فلوس وبيتك مستقر وصحتك تمام و ساعتها هعبدك يا رب يا سلام زي اللي يقول لك انا هقوم الليل ان شاء الله لما يبقى ما عنديش تاني يوم شغل الصبح - 00:32:20

الصبح ولما ابقى نايم كويس من بعد العشاء ولما ابقى مزاجي حلو ولم يا سلام ده انت انت مستني اليوم الوهمي بقى الحياة كلها زروف ربنا خلق الانسان في كبد عشان تبقى هدف. عشان تبقى هدف لازم يبقى لك خطة. لازم تمسك ورقة وقلم وتشوف انت عايز تعمل ايه في عشر زي الحجة. عشان تبقى هدف لازم ما تضيعش فرصة - 00:32:40

والا هتندم على هذه الفرصة. لازم ما تضيعش لحظة ممكن الجون يجي في وقت بدل الضائع. لازم تعرف تخترق عدوك وتراوغه. الشيطان واقف دفاع. ضد انك تجيب هدف من اهداف الدار الاخرة في هذه العشر لازم تبقى نازل متخمس. عندك روح معنوية عالية لان دي اعظم بطولة ممكن تدخلها في حياتك. اخوانى - 00:33:00

احبابي في الله نحن الان في افضل ايام الدنيا عند الله. فاما اذا انت فاعل فيها؟ اقول قولي هذا واستغفر الله لي ولكم الحمد لله وكفى وصلوة وسلاما على عباده الذين اصطفى. اللهم لك الحمد كله وليك الملك كله وبيك الخير كله. واليک يرجع الامر كله -

00:33:20

اللهم صلي على عبدك ونبيك محمد صلي الله عليه وسلم. في الاولين والاخرين وفي كل وقت وحين. اما بعد في الدنيا يا جماعة الهدافين العروض اللي بتتعرض عليهم عروض هي اللي بيعرف يجيب اجوان ده بيتدفع له ملايين مملينة. اومال الهدافين بتوع الآخرة بقى! عروض ربنا عليهم ايه! عروض ربنا لو عبدوك - 00:33:59

لو حققوا الاهداف الاخروية ربنا سبحانه وتعالى يديهم ايه؟ عطاء الله سبحانه وتعالى. كما ان الله لا يعذب عذابه احد. فان الله لا يعطي وان الله ليرفع رفعه احد. وان الله لا يكرم اكرامه احد. ما حدش هيديك اللي ربنا يديه لك. ولا حد - 00:34:19
هييمدك المدد اللي ربنا هييمدك به. سبحانه وتعالى. الهدف الاول اهدافها في عشر زي الحجة. الهدف الاول ذكر الله سبحانه وتعالى. الهدف الاول اللي لازم كل يوم يبقى عندك جلسة ذكر. زي جلسة الضحى كده. زي انك تقعد في جلسة الضحى وتقعد تسبح و تستغفر ويَا سلام لو الذكر معه تدبر في الخلق. ايه اسمه ايه - 00:34:39

تدبر في الخلق. ايه التدبر في الخلق ده انت بتختሩوا بنات ولا ايه؟ حبيب قلبي التدبر في الخلق دي العبادة اللي ربنا اهل بها الانبياء للنبوة. التدبر في الخلق ده اللي مذكور في جميع قصص الانبياء. التدبر في الخلق دي ما فيش صالح لا يتدارب في خلق الله. التارك للتدارب في الخلق مجرم - 00:34:59

زي التاجر للتدارب في القرآن في ايات الله الكونية وايات الله القرآنية هم اعظم بابين للوصول الى الله. ولكن احنا في غفلة غفلنا عن هذه العبادات العظيمة عن هذه العبادات اللي ربنا اصطفى اهلها للنبوة وللرسالة وللدعوة ولحمل الامانة. التدبر في الخلق الشجرة اللي باينة من المسجد دهيت - 00:35:19

من الشباك تدبر في ورقها. كل الف الورق في الشجرة الصغيرة دهيه ما فيش ورقة ربنا نسي رزقها. ما فيش ورقة ربنا ما رتبلاهاش رزقها. ما فيش ورقة ربنا ما رتبلاهاش امرها. ما فيش ورقة. انت ربنا هييسبيك؟ تدبر في خلق الله. سبحانه وتعالى. كنت باتفرق على فيلم - 00:35:39

مع بعض اخوانى كده فيلم تدبر فار بيلعب على فرع شجرة وبومة قاعدة تلف حواليه عشان تنزل تاخده تخطفه وقاعد يلعب يلعب ومش داري ب حاجة. في اللحظة اللي بتتنقض عليه. الفار وقع كان ديله ماسك في الفار وقع. فالكاميرا جايبة منظرها وقد يترج في الارض. قلت سبحان - 00:35:59

الله قلت الاخوان يا جماعة انت عارفين الفار ده مسلا اللي هو مسل لابن ادم لما بييجي يقع لما يحصل له ابتلاء يابني اي الفرض ده لو ما كانش كان زمانه الوقتي بيتفرم ما بين انياب البومة دهي. كان زمان الوقت بيتأكل وقع في اللحظة اللي نازلة تنقض -

عشان ربنا ينجيه. الانسان ممکن يكون الابتلاء اللي حصل لك ده ده اصلا ربنا نجاك به من نهاك. ولكن الانسان مش قادر يدرك هذا ذكر الله انك انت الهدف الاول الذكر. انك انت ترتبط بذكر الله. ابن تيمية يقول من نام على التسبیح او تي عزما. اللي يقدر ينام وهو قاعد يسبح ربنا لحد ما - 00:36:39

ينام بقى كده ده بيؤتى عزيمة في الدنيا. وفي طاعة الله كان يقول عن جلسة الذكر اليومية بتاعته رحمة الله هذه غدوة فان لم اتفضها سقطت قوتي. انا من غير الزكر اتسقط القوة بتاعتي. تسقط قوتي تماما. يبقى اذا ذكر الله ده الحمد - 00:36:59
لا تملأ الميزان دي كلمة. امال بقى اللي يقدر يذكر ربنا ليل نهار. يملأ الميزان بتاعه قد ايه؟ سبق المفردون. الذاكرون الله كثيرا والذكريات. اللي بيصل الى بالذكر ده انسان متفرد ده عامل زي واحد راكب صاروخ ما فيش حد يقدر يحصله ذكر الله سبحانه وتعالى انك تبقى انسان ذاكر - 00:37:19

فقال النبي صلى الله عليه وسلم ما جلس قوم مجلسا لم يذكروا الله تعالى فيه الا كان عليهم ترا يعني حسرة وما مشى رجل في طريق لم يذكر الله تعالى فيه الا كان عليه ترا. كل مشوار قطعه من غير ذكر. وما اوى رجل الى فراشه لم يذكر الله تعالى - 00:37:39

الا كان عليه يبقى نومك حسرة ومشاويتك حسرة وقعدتك حسرة لو مش مليانة بذكر الله سبحانه وتعالى كما قال النبي صلى الله عليه وسلم الا قام على مثل جيفة حمار والعياذ بالله. فانت متخيل بقى الانسان لما بيبعده عن الذكر ومن اعرض عن ذكري معيشة ضنكنا. ومن يعرض - 00:37:59

عن ذكر ربه عذابا صعدا. ومن يعش عن ذكر الرحمن نقىض له شيطان عزابا صعبا معيشة ضنكنا نقىض له شيطانا. كل ده عشان بعيد عن ذكر الله. مذنبين بين ذلك. لا الى هؤلاء ولا الى - 00:38:19

ربنا قال مذنبين بعد ايه؟ ولا يذكرون الله الا قليلا. لما الذكر قال العزمية انهارت. عاش مذنب بين الطاعة والمعصية. مش قادر يغض بصره مش قادر يستغل في الدعوة. مش قادر يحضر دروس. مش قادر يطلب هيبة ليه؟ مذنب. ما هوش قادر يفصل للدين لانه معزول عن ذكر الله. الهدف الثاني الهدف الثاني التدبر - 00:38:36

الخلق ما احنا قلناه اجيب التدبر ده منين؟ اجيبيه منين؟ يا عم ده انت لو دخلت على النت وكتبت افلام تدبر طبيعية هتلباقي افلام لا حصرة لها يا عم طول ما انت ماشي في الشارع تدبر في خلق الله. اطلع على سطح بيكم بالليل وبص للسماء. بص لستلاف نجمة اللي بابنيين من الريعانية مليار مجرة - 00:38:56

عينيك كده تلقطهم وتدبر وسبح تدبر الهدف الثالث خاتمة قرآن ده هدف غالى قوي بقى لو عرفت تجيبيه بسبعمية ختمة قرآن بسبعمية ختمة عند الهدف الثالث انك تختتم المصحف في عشر ذي الحجة. انا عايز تلات تجزاء في اليوم. الهدف ومش صعبة والله يا اخواني. اي حد بييجيها في المسجد في ساعة. التلات اجزاء دول - 00:39:16

وبىحضر يعني الهدف الرابع الصيام. كم واحد هنا في المسجد صائم؟ في عشر ذي الحجة. الصيام الصيام ده عبادة اليوم في العشر الامام الاوزاعي بيقول باجر غزوة في سبيل الله. وقتادة بيقول ان صيام اليوم باجر سنة. يعني انت - 00:39:36
كده انك انت وقول ابن عباس المنسوب اللي هي سبعمية ضع يعني بسبعمية يوم صيام. غير غير يوم عرفات ستين تكفي سينات مش بس صيام لو صمت يوم عرفات يبقى ديت صفقة عظيمة جدا مع الله. ده الهدف الرابع الصيام. انك تصوم لربنا في هزه الايام مش عرفات بس - 00:39:56

معزم الناس بيصوم في عرفات بس في هزه الايام. الهدف الخامس يوم عرفة. الرجال مش على عرفات بس. السلف كانوا ينزلوا ليعتوه الصحابة. كانوا ببنزلوا اوعوا يعتكفو في المساجد بتاعة بالادهم في يوم عرفات لعلهم يتعرضوا لفضل الله فيه. انا يا رب ما رحتش الحج غصب عنی. اعمل ايه؟ سموها السلف - 00:40:16

بالامصاب. لدرجة ان بعض علماء السلف كان في عشر ذي الحجة بيعمل نفس اعمال الحجاج. ويلبى ليه؟ عايز يتعرض بفضل الله يا

رب انا ما قدرتش اروح احج. طب انا هعبدك هنا والرجاله مش على عرفات بس. والرجاله مش في مزدلفة بس. اي حسب الحجيج - 00:40:36

ان يستأسروا بفتح الله وثواب الله دوننا؟ والله لوزاهمنهم على ثواب الله وعلى فتح الله حتى ايعلموا انهم قد خلفوا وراءهم رجالا. الرجاله مش على عرفات بس. الصفة السادسة جلسة الضحى. لما تقدّم جلسة الضحى بعد الفجر لحد - 00:40:56 وتملاه بذكر الله سبحانه وتعالى. جلسة الضحى باجر سنتين جلسات ضحى. الثواب كثير او يـا جماعة. اـنا مش قادر اجيب اهداف. دـه اـنت مـمـكـن تـبـقـي هـدـافـ ما حـصـلـش في عـشـرـ ذـيـ الـحـجـة اـنت مـمـكـن تكونـ كلـ الـاعـمـالـ الصـالـحةـ. ولـكـ خـدـ بالـكـ النـبـيـ عـلـيـهـ الصـلـاـةـ والـسـلـامـ - 00:41:16

فتح افقيـنـ في عـشـرـ ذـيـ الـحـجـةـ للـمـسـلـمـينـ. الـافـقـ الـاـولـانـيـ ماـ منـ ايـامـ الـعـمـلـ الصـالـحـ اـحـبـ الىـ اللهـ فـيـهاـ منـ هـذـهـ الـايـامـ. اـفـقـ الـعـمـلـ الصـالـحـ. اـعـمـلـ ايـ حاجـةـ طـيـبـ هـاـتـ ايـ جـوـنـ هـاـتـ ايـ هـدـفـ حقـقـ ايـ هـدـفـ تعـبـنـيـ. الـافـقـ التـانـيـ ماـ منـ ايـامـ اـعـظـمـ عـنـدـ اللهـ وـلـاـ اـعـظـمـ عـنـدـ اللهـ منـ هـذـهـ الـايـامـ - 00:41:36

في مـسـنـدـ الـاـمامـ اـحـمـدـ فـاكـثـرـوـ فـيـهـنـ منـ التـسـبـيـحـ وـالتـحـمـيدـ وـالتـهـلـيلـ وـالتـكـبـيرـ. الـذـكـرـ بـقـىـ يـبـقـىـ فـيـهـ عـوـامـ العـشـرـ وـفـيـهـ خـواـصـ العـشـرـ عـوـامـ العـشـرـ الـلـيـ بـيـعـبـدـوـ رـبـنـاـ بـالـعـمـلـ الصـالـحـ بـسـ. مـطـلـقـ الـعـمـلـ الصـالـحـ. خـلاـصـ الـعـشـرـ الـلـيـ بـيـتـعـبـدـوـ بـالـعـمـلـ الصـالـحـ وـمـرـكـزـيـنـ فـيـ ذـكـرـ اللهـ - 00:41:56

الـعـوـامـ رـمـضـانـ الـلـيـ صـلـوـاـ التـراـوـيـحـ وـالـلـيـ صـامـوـاـ وـالـلـيـ دـهـ دـوـلـ عـوـامـ رـمـضـانـ اـهـ وـالـلـيـ اـعـتـكـفـوـاـ دـوـلـ عـوـامـ مـنـ وـرـاـهـاـ. اـمـالـ مـيـنـ خـلاـصـ فيـ رـمـضـانـ؟ـ الـلـيـ التـلـاثـيـنـ يـوـمـ فـيـ التـدـبـرـ فـيـ الـقـرـآنـ فـيـ دـارـسـهـ الـقـرـآنـ الـلـيـ رـكـزـ مـعـ الـقـرـآنـ. طـبـ عـوـامـ العـشـرـ الـلـيـ رـكـزـ فـيـ الـعـمـلـ الصـالـحـ. وـخـلاـصـ العـشـرـ الـلـيـ رـكـزـوـاـ فـيـ الذـكـرـ الـلـيـ - 00:42:16

خـدوـهـاـ وـقـفـةـ عـشـرـ تـيـامـ سـنـوـيـاـ مـعـ عـبـادـةـ الذـكـرـ عـشـانـ يـحـمـلـوـاـ تـرـصـيـصـ لـزوـاـيـاـ الـقـلـبـ وـيـعـمـلـوـاـ تـحرـيرـ لـلـبـقـعـ الـمـحـتـلـةـ مـنـ الـقـلـبـ شـهـوـاتـ وـلـلـنـكـاتـ السـوـدـاءـ بـتـاعـةـ الـمـعـاصـيـ وـيـسـتـرـدـوـاـ قـلـوبـهـمـ تـانـيـ لـلـهـ فـيـ حـرـوبـ اـسـتـرـدـادـ مـنـ الشـيـطـانـ بـعـدـ اـنـ اـسـتـوـلـيـ عـلـيـهـ الشـيـطـانـ الـذـيـ يـجـريـ - 00:42:36

ابـنـ اـدـمـ مـجـرـيـ الدـمـ اـيـامـ عـظـيـمةـ. عـشـرـ تـيـامـ قـلـبـكـ هـيـسـتـحـمـيـ فـيـ نـهـرـ الزـكـرـ. عـشـرـ اـيـامـ قـلـبـكـ بـيـتـوـضـيـ مـنـ اـنـوـارـ الذـكـرـ. عـشـرـ تـيـامـ اـتـصـلـحـ وـجـهـ قـلـبـكـ تـانـيـ حـتـىـ تـصـلـ اـلـلـهـ. اـسـأـلـ اللـهـ سـبـحـانـهـ وـتـعـالـىـ. اللـهـمـ يـاـ رـبـنـاـ اـجـعـلـنـاـ مـنـ الـفـائـزـيـنـ فـيـ هـذـهـ العـشـرـ. اللـهـمـ اـفـتـحـ عـلـيـنـاـ فيـ هـذـهـ العـشـرـ - 00:42:56

الـلـهـمـ اـنـصـرـنـاـ عـلـىـ اـنـفـسـنـاـ وـعـلـىـ الشـيـاطـيـنـ فـيـ هـذـهـ العـشـرـ. اللـهـمـ اـجـعـلـهـ اـيـامـ فـتـحـ وـنـصـرـ وـمـدـدـ وـنـورـ وـهـدـىـ وـبـرـكـةـ وـلـفـظـ. اللـهـمـ يـاـ رـبـنـاـ اـجـعـلـهـ اـيـامـ يـقـظـةـ لـلـامـةـ. وـاوـبـةـ وـتـوـبـةـ الـيـكـ يـاـ رـبـ الـعـالـمـيـنـ. اللـهـمـ اـسـتـعـمـلـنـاـ وـلـاـ تـسـتـبـدـلـ بـنـاـ. اللـهـمـ اـسـتـعـمـلـنـاـ وـلـاـ تـسـتـبـدـلـ بـنـاـ - 00:43:16 اللـهـمـ اـسـتـعـمـلـنـاـ وـلـاـ تـسـتـبـدـلـ بـنـاـ. اللـهـمـ وـفـقـنـاـ فـيـ هـذـهـ العـشـرـ. اللـهـمـ اـجـعـلـنـاـ فـيـهـ مـنـ الـمـوـفـقـيـنـ. اللـهـمـ اـجـعـلـنـاـ فـيـهـ مـنـ الـفـائـزـيـنـ. اللـهـمـ يـاـ رـبـنـاـ يـاـ اـكـرمـ مـنـ كـلـ كـرـيمـ. اللـهـمـ مـاـ اـنـزـلـتـ فـيـ هـذـهـ اـيـامـ الـمـبـارـكـةـ الـطـبـيـةـ الـفـاضـلـةـ مـنـ فـتـحـ وـنـصـرـ وـمـدـدـ وـنـورـ وـبـرـكـةـ وـهـدـىـ - 00:43:36 فـاجـعـلـنـاـ لـنـاـ مـنـهـ اـعـظـمـ حـظـ وـنـصـيبـ. اللـهـمـ اـنـسـأـلـكـ مـنـ الـخـيـرـ كـلـهـ. عـاجـلـهـ وـاجـلـهـ. مـاـ عـلـمـنـاـ مـنـهـ وـمـاـ لـمـ نـعـلـمـ اـعـوذـ بـكـ مـنـ الشـرـ كـلـهـ عـاجـلـهـ وـاجـلـهـ. مـاـ عـلـمـنـاـ مـنـهـ وـمـاـ لـمـ نـعـلـمـ. اللـهـمـ يـسـرـ اـمـرـنـاـ. اللـهـمـ اـقـضـ عـنـاـ حـوـائـجـنـاـ. اللـهـمـ اـكـفـنـاـ هـمـوـمـ الدـنـيـاـ - 00:43:56

الـلـهـمـ اـنـعـوذـ بـكـ مـنـ الـهـمـ وـالـحـزـنـ وـنـعـوذـ بـكـ مـنـ الـعـجـزـ وـالـكـسـلـ. اللـهـمـ رـدـ الـاـمـمـ الـىـ دـيـنـكـ رـدـاـ جـمـيـلاـ. وـرـدـ شـبـابـهـ وـفـتـيـاتـهـ وـرـجـالـهـ وـاطـفـالـهـ الـىـ دـيـنـكـ رـدـاـ جـمـيـلاـ. اللـهـمـ اـهـدـنـاـ وـاهـدـيـ بـنـاـ وـاجـعـلـنـاـ سـبـبـاـ لـمـ اـهـتـدـىـ. اللـهـمـ اـسـتـعـمـلـنـاـ فـيـ الدـعـوـةـ الـيـكـ فـيـ هـذـهـ الـايـامـ - 00:44:16

الـلـهـمـ اـسـتـعـمـلـنـاـ فـيـ الدـعـوـةـ الـيـكـ فـيـ هـذـهـ الـايـامـ. وـتـقـبـلـ دـعـائـنـاـ يـاـ اـكـرمـ الـاـكـرـمـيـنـ. سـبـحـانـكـ اللـهـ وـبـحـمـدـكـ. اـشـهـدـ اـنـ لـاـ اللـهـ اـلـاـ اـنـتـ اـسـتـغـفـرـكـ وـاتـوـبـ الـيـكـ - 00:44:36